

PROCEDEMENTOS, INSTRUMENTOS E CRITERIOS DE CUALIFICACIÓN

Avaliación continua

Ao longo do curso haberá tres avaliacións e a nota de cada unha delas no módulo de “Inglés” obterase segundo as porcentaxes que de seguido se recollen:

<u>1º CMXA e 1º CSAF</u>		
ELEMENTOS A AVALIAR (CONTIDOS)	PROCEDEMENTOS E INSTRUMENTOS	PESO NA NOTA DA AVALIACIÓN
Comprensión oral (<i>listening</i>)	P- Probas escritas de comprensión de textos orais. I- Rexistro cualitativo das probas.	15%
Produción oral (<i>speaking</i>)	P- Observación da expresión oral individual e da interacción. Probas orais. I- Rúbrica e rexistro cualitativo das intervencións e probas.	15%
Comprensión escrita (<i>reading</i>)	P- Probas escritas de comprensión lectora. I- Rexistro cualitativo das probas.	15%
Produción escrita (<i>writing</i>)	P- Probas de expresión escrita. I- Rúbrica e rexistro cualitativo das probas.	15%
Vocabulario, linguaxe funcional e gramática (<i>use of English</i>)	P- Exercicios específicos de vocabulario, linguaxe funcional e gramática nas probas escritas. I- Rexistro cualitativo das probas.	30%
Actividades de aula e tarefas	P- Observación do traballo diario e das intervencións. I- Rexistro cualitativo e cuantitativo. Rúbrica. Lista de observación e cotexo.	10%

Aclaracións e especificidades

Os procedementos establecidos polo Departamento para superar o módulo de inglés son os seguintes:

- a) O alumnado superará o módulo en cada unha das avaliacións cando acade como mínimo 5 puntos sobre 10, obtidos do cómputo das distintas partes a avaliar tal e como está indicado na táboa arriba detallada. Cómpre ter en conta que o redondeo realizarase a partir do 0,8, de tal xeito que os decimais por debaixo desta cifra redondean á baixa e os decimais por riba poden redondear cara ao seguinte número enteiro. Por exemplo, un/unha estudante que consiga un 5,8 levará un 6 no boletín de notas, mais se ten un 5,7 levará un 5.
- b) En ningún caso o/a alumno/a se poderá negar a realizar algunha das probas correspondentes aos elementos a avaliar. É dicir, non se poderá negar a realizar un *listening*, un *writing* ou un

reading, entregando o exame en branco, e pretender aprobar compensando coas restantes partes da materia.

- c) Debido ao carácter sumativo que presenta a aprendizaxe dunha lingua, os exames incluírán todos os contidos que se traballaron ata ese momento, de xeito que os exames da 3ª avaliación incluírán os contidos traballados na 1ª e 2ª avaliacións. Isto implica que o alumnado que non supere a 1ª e/ou a 2ª avaliación deberá superar a avaliación final.
- d) O feito de non realizar e/ou entregar algunha tarefa encomendada reducirá a puntuación do apartado de “actividades de aula e tarefas”, tendo en conta que este apartado vale 1 punto sobre 10 da nota da avaliación. Se o/a alumno/a non presenta algún dos traballos de maior complexidade e extensión (redaccións, presentacións e proxectos) reducirase considerablemente a puntuación neste apartado. A non realización dalgunha do resto de tarefas (exercicios de tipo gramatical, léxico, reading, etc.) tamén reducirá a puntuación deste apartado, aínda que en menor medida.
- e) No caso de ausentarse a algunha proba ou parte do exame, o/a alumno/a ten dereito a que se lle examine noutro día unha vez que xustifique debidamente a súa falta mediante documentación oficial.
- f) Durante a realización dos exames, o/a alumno/a deberá ter o ordenador, teléfono móbil, reloxo intelixente ou calquera outro dispositivo electrónico con memoria no que se poida introducir texto apagado e, a ser posible, debidamente gardado na súa mochila. Ter acendido e ao seu alcance o ordenador, móbil, reloxo ou outro dispositivo electrónico non permitido pode ocasionar a anulación de dito exame.
- g) O/A alumno/a que cometa un acto ilícito durante a realización dun exame quedaralle dito exame anulado, cunha nota de 0 e, por conseguinte, a avaliación suspensa. A modificación dun exame durante a súa revisión, en calquera circunstancia, será considerado acto ilícito.

Avaliación final

O alumnado superará o módulo de Inglés cando supere a avaliación final cunha nota mínima de 5 puntos sobre 10. A nota final obterase como resultado da avaliación continua do proceso de aprendizaxe do/a alumno/a, no que se valorará o seu grao de consecución dos obxectivos e a competencia lingüística adquirida.

Para calcular a cualificación final, realizarase a seguinte ponderación entre as notas obtidas en cada avaliación:

- 1ª avaliación → 25%
- 2ª avaliación → 30%
- 3ª avaliación → 45%

Debido ao carácter sumativo e acumulativo que presenta a aprendizaxe dunha lingua, a última avaliación será a de máis valor xa que inclúe todos os contidos traballados ao longo do curso.

En caso de non superar o módulo, o alumnado terá a opción de recuperar a materia realizando un exame de recuperación en xuño. Dito exame estará baseado nos contidos mínimos esixibles da materia e comprenderá unha parte escrita similar ás realizadas ao longo do curso, podendo incluír tamén unha proba oral, co fin de avaliar as distintas destrezas de comprensión e produción escrita e oral (*reading, writing, listening, speaking*), así como a terminoloxía específica do sector (*vocabulary*) e recursos gramaticais (*grammar*).